


Enformaziuns y Condolianzes



Gejù à dit: „Chi co crëi te mè, vir inçe sce ai mör!“
La comunité tol comié da **Teresa Ties nasc. Bernardi**
morta al'eté de 71 agn. Ai familiars ti va les condolianzes
plü sontides. Che Teresa pòi palsé tla pèsc de Dio!

Dé dla vita: Ai 2 de forà èl Santa Maria dal Pòch y inçe le Dé dla Vita. Pla gran mësxa gnaràl fat la benediscion dles ciandères, y inçe dai pici mituns bacès dal 2013. I geniturs dai viadus è periès da aspeté dan mësxa jödapè de dlijia, olache ai gnarà tuç ete da ploian y sorvidusc. Dedò saràl l'ingres y la benediscion de mituns y geniturs. Chisc portarà les ciandères empiades sò da alté de Santa Maria. Dò la comegnun picia meditaziun. I geniturs è inçe periès da porté te calogna na foto dal viadù - por le placat - anter dédemesaledema ai 29 de jenà. Sce al ess da n'ester degügn, pòn la lascé te cassèta dla posta. Iolan

San Blaje: En lõnesc ai 3 de forà èl festa de San Blaje. Por ciagé la benediscion èl deplü poscibilitès: en **domègna ai 2 de forà** dò la gran mësxa y la mësxa da sèra, y en **lõnesc ai 3**, dò la mësxa da doman. An la prèia cuntra maraties al col y cuntra la tontaziun dal mal.

Festa Sant Ujöp da Oies: Ai 28 y 29 de jenà saràl deplü funziuns en onur de Sant Ujöp Freinademetz. Le dédölõnesc ai 28 (dé dla mort) ales 8 da sèra saràl te dlijia da Oies na Liturgia abelida dal Cor de Dlijia da Longiarü. Le dédemesaledema ai 29 (dé dla festa) èl ales 4 dõmsidé na mësxa co gnarà trasmetüda en direta da Radio Maria da Porsenù. Zelebrant prinzipal è le Degan signor Iaco Willeit y al cianta le Cor de Dlijia da San Martin. En chèl dé ales 8 da sèra saràl na secunda mësxa, abelida dal Cor de Dlijia d'La Val.

Mësxa dai Scolari: En dédemesaledema ai 29 de jenà, festa de Sant Ujöp da Oies, saràl la mësxa dai scolari con dõta la scora, co mèt man ales 7:50, te dlijia.

Iscriziuns ala scolina: Por l'ann 2014-2015 pòn scrì ete mitans y mituns nasciüs anter le 1.09.2008 y i 29.02.2012. Les iscriziuns ala scolina d'Al Plan vèn tutes sò: **Lõnesc** ai 17 de forà dales 14:30 ales 16:00; **Dédölõnesc** ai 18 de forà dales 8:30 ales 10:30; **Dédemesaledema** ai 19 de forà dales 8:30 ales 10:30, dagnora te scolina. Al è da se tó empara la cherta con le codesc fiscal dal môt.

Curs/1: Le Consèi de Formaziun d'La Pli envièia a en curs de yoga con Abine Vieider. Le pröm iade è en lõnesc ai 27 de jenà ales 19:30, te palestra dla scora d'La Pli.

Curs/2: Le Zënter Families Ergobando sò La Ila organisèia en curs da nodé por mitans y mituns da 4 a 7 agn, te nodadoia d'La Ila. Vigne dédölõnesc y vëndres, dai 4 ai 28 de forà, por endöt 8 iadi. Le pröm grup s'encunta dles 17 ales 18, le secundo dles 18 ales 19. Le cost è de 64,00€ a môt (l'entrada è a pert). Iscriziuns pa Sandra al 348/7821170.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Comunicaziuns - cina al dédemesaledema sèra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.comun.mareo.bz.it o inçe www.valbadiaonline.it



La plata de
Ploania

E-Mail: ploaniaalplan@gmail.com - Radio de Ploania: 93,00 MhZ
Telefôn y fax de calogna 0474/501006

3. Dom. ann A - Sant Ujöp Freinademetz, ai 26.01.14 - nr. 9



Convertisse, che le Règn è damprò

Dal Vagnele dô San Mateo, 4, 12 - 23

Al dea s'ademplì, ci ch'al è gnù dit tres le profet Isaia:
¹⁵La tera de Sébulonn y la tera de Nàftali, la strada dal mer, la tera delà dal lórdann, la Galilea pagana:
¹⁶le popul co viea tla scürité à odù na löm lominosa; a chi co viea tal règn dla ombria dla mort, ti èl aparì na löm.
¹⁷Da danlò ennant à Gejù motü man da encündé: Convertisse! Deache le règn dal ci è damprò.
¹⁸Dertan che Gejù passà dlungia le Lé de Galilea, àl odù dui fredesc, Sciomun, nominé Pire, y so fre André. Ai ea dèr tal sciüré fora la rèi te lé, ciodich'ai ea pèiapèsc.
¹⁹Y al ti à dit: Gnideme do! I fajarà fora de os pesciadus de jont.
²⁰Atira ài lascé enlò sòes rèis y ti è jüs dô.
²¹Da jì ennant àl odù dui d'atri fredesc, Iaco, le fi de Zebedèus, y so fre Jan; ai ea con so pere Zebedèus te barca y arjignà ca sòes rèis. Al i à cherdé,
²²y atira ài lascé la barca y so pere y ti è jüs dô a Gejù.
²³Gejù rodà por dõta la Galilea, ensignà tles sinagoghes, encündà le vagnele dal règn y varia tal popul dõtes les maraties y les soferonzes. **Parora dal Signur. - Lalt a té, Gejù Crist!**



Sant Ujöp da Oies, prèia por nos!

Periun! Signur Idio, dässe por grazia
de chisc sané mistèrs la forza
da testimonié, zonza tèma, la lereté de to
Vagnele, desche Sant Ujöp Freinademetz
l'à dagnora fat. De cösc te periunse
por Gejù Crist, nosc Signur!

Dla Liturgia dla Festa de Sant Ujöp Freinademetz



S.Mësses y Funziuns dai 26 de jenà ai 02 de forà 2014

Domëgna: 26.01.: III. Domëgna dal ann: Festa de S.Ojöp da Oies

Oferta por i bojügns dla Ploania



9.30: Corona por +nta Teresa Bernardi Ties, de Cassl

10.00: S.M. por dōta la Ploania

18.00: 2. Requiem por +nta Teresa Bernardi Ties, de Cassl

S.M. por Fam. de Tone y Marta Erlacher, Corcela

S.M. por +nta Hilda Willeit Erardi

S.M. por +nc' dla Fam. Kosta Erwin

S.M. por +nta Veneranda Piazza Rindler

Lön. 27.01: **Feria dla 3. edema dal ann: Sa. Angela Merici**

7.30: S.M. por +nta Frieda Obwegs, de Batista

S.M. aniv. por +ntes Rosa y Carmela

S.M. por +nt Giovanni Miribung, Cianacei

Dédol. 28.01: **Festa de S.Tomesc d'Aquin, S.Carl le Gran**

Vijita te dljia y cortina

Dédem.29.01 **Festa de S.Ojöp Freinademetz, S.Aquilin, S.Poppo**

N.B.: **7.50:** S.M. por i scolari

S.M. de reng. por Fam. Ferdigg Fortunato y Clara

S.M. por +nc' de Oliva Castlunger, Rungg

S.M. de reng. por Fam. Erlacher Alexander y Cristina

Jöbia 30.01.: Feria dla 3. edema:Sa.Martina, Sa.Serena

Vijita te dljia y cortina

Vëndr.31.01.: Memoria de S.Giovanni Bosco, S.Scebio, S.Hemma

N.B.: **7.30:** S.M. por +nc' de Maria y Frieda Comploi

S.M. por +nta Tecla Oberbacher

S.M. por Caplar y Vatotto

15.00: Ora de adoraziun y oraziun

Sab. 01.02.: Sancta Maria in Sabato: Sa.Brigida, S.Severus

17.00: Poscibilitè da se pissié

18.00: S.M. por +nta Palfrader-Feichter Hanni

S.M. de reng. por Fam. Zef Kola

S.M. por +nta Feichter Hilda, Valciapa

Domëgna 02.02: Festa dla Prejentaziun tal templ – 4. Dom.

Oferta por i bojügns dla Ploania

9.30: Funziun dla Domëgna: Corona – dé dla vita

10.00: S.M. de reng. dla vita – por dōta la Ploania

Benedisciun dles ciandres

Benedisciun dai pici mituns bacês tal 2013

18.00: 3. Requiem por +nta Teresa Bernardi Ties, de Cassl

S.M. por +nc' Carolina, Franz y Maria Clara

S.M. por +nta Maria Zingerle - Kehrer

S.M. de reng. por Fam.Borroni, Lé dla Crêda

S.M. aniv.por +nt Schanung Davide, H.Teresa



SANT UJÖP DA OIES ai 29 de jené

Pinsiers de nosc Sant ladin

Vita cristiana

La sóra cossa che i messun fà te nosta pūra vita, é chëra de jí sön le tru che nes condüj ales ligrëzes eternes. Döt l'ater è vanitus y da nia.

La porsona n'è nia por cösc monn, mo por val' de plö alt; ara n'è nia atlò por se gode la vita, mo por laoré endlunch olàche le Signur la chërda.

Consciderun mo la vita í che ara è veramonter: en somené por l'eternité. Desco i somenun, ensiö racoiarünse.


Nosta fede

Cristians, í gran tesur che nosta santa fede è! Í profundité, í fontana de consolaziun ch' i ciafun te nosta santa fede. Le dër cristian n'è mai sonza consolaziun. Ligrëza y ortü ne l'arbandonëia te degün momont dla vita. Al è sterch y plën de coraje desco na munt, che degöna tempesta n'è bona da rosedé. Le dër cristian rii con les lagrimes tai ödli. Plö da spines che la crusc è, tan plö frëma è söa fede tal Signur. Deache al vir, al laora, al patësc y mör por Dîo. Canch' al adora forza, sal olà jì a la tó.

La santa fede è la stëra slominonta co stlarësc la nôt scöra de cösc monn.

Os geniturs, spezialmonter os umes, sontede tai cörs de ösc mituns le lën dla fede cristiana, co porta früc de vita eterna.

Le lingaz dal AMUR è le su lingaz che dōta la jont capësc.



M. Förster

„Wenn Gott unser Herz berührt,
fängt es an zu singen.“ (Hanna Ahrens)



W. Opgenoorth

TE BIBLIOTEC

Sorvisc dai Ministroné

Lönesc 27/01 (7.10), Dédemesalèdema 29/01 (18.00h), Vëndres 31/01

(07:10h): Florian y Stefan Palfrader; **Sabeda 01/02 (18.00h):** Serena

Alessandri, Lisa Comploi, David y Sara Doria, Julia Erlacher, Viktoria Frontull;

Domëgna 02/02 (10.00h): Luianta Clara, Daniel, Luca y Simon Comploi, Matio

Erlacher, Mike Kaneider; **Domëgna 02/02 (18.00h):** Costanza Brera, Simone

Crusafio, Alice Daverda, Mark Kastlunger, Max Maneschg, Alex Rubatscher

